

CBETA電子佛典集成

CBETA Chinese Electronic Tripitaka Collection
eBook

T20n1185B

文殊師利寶藏陀羅 尼經

唐 菩提流志譯

財團
法人

佛教電子佛典基金會



目次

- [編輯說明](#)
- [章節目次](#)
- [卷目次](#)
 - .001,
- [贊助資訊](#)

編輯說明

- 本電子書以「CBETA 電子佛典集成 Version 2023.Q4」為資料來源。
- 漢字呈現以 Unicode 3.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 service@cbeta.org 回報。
- 版權所有，歡迎自由流通，但禁止營利使用。

No. 1185B

文殊師利寶藏陀羅尼經(亦名文殊師利菩薩八字三昧法)

唐天竺三藏法師菩提流志譯

如是我聞：

一時婆伽婆在淨居天宮，與大菩薩摩訶薩眾及無量淨居天子，前後圍遶供養恭敬尊重讚歎瞻仰如來。是時世尊正於眾中為諸大眾說陀羅尼無量妙法，復為利益未來世中薄福諸眾生等，便入三昧名曰演光，於其頂上放無量種種光明，其光旋環照無量無邊諸佛世界，照已却來繞文殊師利童子，便入於頂。其光從頂入已，文殊師利即入三昧名曰陀羅尼自在王。入此三昧已，文殊師利從於口中出無量種種色相光明，其光出已便入金剛密迹主菩薩頂中。爾時金剛密迹主菩薩即從座起，偏袒右肩，右膝著地向佛合掌，恭敬頂禮瞻仰尊顏，而白佛言：「世尊往昔為我說如是言：『我法滅後，於瞻部洲惡世之時，文殊師利廣能利益無量眾生當作佛事。』唯願世尊為我分別演說，於何處住、復何方面能行利益？矜愍擁護諸眾生故，願為說之。」爾時世尊告金剛密迹主言：「善男子！乃能為諸有情發問於我。善哉善哉！汝今諦聽諦聽，善思念之，我今為汝分別演說。」是時金剛密迹主菩薩聞佛語已，歡喜踊躍，整衣服一心受聽。爾時世尊復告金剛密迹主菩薩言：「我滅度後，於此瞻部洲東北方有國名大振那，其國中間有山號為五頂，文殊師利童子遊行居住，為諸眾生於中說法。及有無量無數諸天、龍神、藥叉、羅刹、緊那羅、摩睺羅伽、人非人等，圍繞供養恭敬於是。」世尊復告金剛密迹主言：「是文殊師利童子，有如是等無量威德，神通變化自在莊嚴，廣能饒益一切有情，成就圓滿福德之力不可思議。」復告金剛密迹言：「文殊師利有陀羅尼最極祕密心呪并畫像壇印等法，於後末世佛法滅時，惡法增長諸災興盛。如此之時，於當來世瞻部洲中，薄福少智諸眾生輩惡業增長，五行失序、陰陽交錯、風雨不調、惡星變怪，天阿脩羅鬪戰競起，天人減少、脩羅增長。種種諸災，如此之時流行於世。惡鬼下降變為女身，與諸眾生作種種病，所謂喉閉疔瘡、疥癩腹痛，瘡病或一日二日三日四日乃至七日一發，或患風黃痰病、或頭痛、瘡腫、眼痛、大小便利諸雜等病。其惡鬼神變身為蟲狼虎豹獅子種種獸身，於世間中攝諸眾生，噉其精氣威失力衰。如此之時，此瞻部洲無量眾生橫遭枉死，縱有諸醫不能救療。如是世時一日之時，有三十毘末囉數。是故金剛密迹主！我今令汝轉與此陀羅尼法，令使眾生展轉受持。何以故？此瞻部洲所有眾生，一念發菩提大善願心：『我輩眾類何日能得離此煩惱苦

海無明愛獄？』如是善男子善女人，汝當擁護教化使益善根，廣為流布此陀羅尼勿令斷絕，常於三寶及佛塔形像處發正信心虔誠頂禮，時時勿闕勤修善根，學菩薩行莫起非法，孝順父母尊重師長，於諸賢善生奇特想，常以香華百味甘膳朝夕供養，勿令厭怠尊重讚歎。若解法人處珍重請法，若得陀羅尼呪已，於七日七夜每日受八關齋戒，誦此陀羅尼。爾時世尊大悲愍念，即說廣深智雷音如來陀羅尼。」即說呪曰：

「南謨(上聲)微補羅勃地嚴避囉孽唼爾多囉(去聲)社野怛他(去聲)夔多(去聲)野怛[(仁-二+爾)/也]他(去聲)微補羅孽囉爾諦微補羅莎(去聲)噉微補羅瑜寧(上聲)勢阿囊(上聲)擺細阿囊(上聲)擺姿夔底孕夔多莎訶」

次說除一切障如來陀羅尼曰：

「南麼薩沫寧(去聲)嚩囉寧微色劍毘爛(去聲)怛他(去聲)夔多(去聲)野怛[(仁-二+爾)/也]他(去聲)醯袂醯袂摩醯莎訶」

次說阿彌陀如來陀羅尼曰：

「南謨阿(上聲)弭多(去聲)婆(去聲)野怛他(去聲)夔多(去聲)野怛[(仁-二+爾)/也]他(去聲)阿弭多(去聲)那婆(上聲)吠阿弭多三婆(上聲)吠阿弭多微乞囉諦莎訶」

次說功德處如來陀羅尼曰：

「南謨(上聲)愚(上聲)憍羯囉(引)野怛他(去聲)夔多(去聲)野怛[(仁-二+爾)/也](去聲)他伽(輕呼)伽囊(上聲)羯噉伽伽囊(上聲)三婆(上聲)吠伽伽囊(上聲)枳唼底羯噉莎訶」

次說遍覆香如來陀羅尼曰：

「南麼三曼多言(上聲)馱野怛他(去聲)夔多(去聲)野怛[(仁-二+爾)/也](去聲)他三莽糝袂莎訶」

次說難勝行如來陀羅尼曰：

「南麼阿鉢囉(引)爾多微乞囉莽孽唼爾多縵(且何切)弭寧(去聲)怛他(去聲)夔多(去聲)野怛[(仁-二+爾)/也]他(去聲)麼麼袂莎訶」

次說除慢如來陀羅尼曰：

「南謨(上聲)忙囊(上聲)娑耽囊野怛他(去聲)夔多(去聲)野怛[(仁-二+爾)/也]他(去聲)莽怒(輕呼)微輸(上聲)悌莽囊微戍誕寧(去聲)莎訶」

次說斷一切障如來陀羅尼曰：

「南麼薩麼勃馱菩提薩怛嚩(引)難(引)南麼薩沫寧(去聲)嚩囉寧(上聲)微色劍避爛(去聲)怛他(去聲)夔多(去聲)夜阿囉訶諦三藐三勃馱野怛[(仁-二+爾)/也]他(去聲)契諦羯囉陸入嚩里陸莎(去聲)訶染(而閻切)拔寧(去聲)娑擔拔寧(上聲)謨訶寧(上聲)莎(去聲)訶(去聲)莽(去聲)拏(上聲)唎迦(引)野莎訶(去聲)護袂達唼摩達唼摩質多(去聲)曳莎訶(去聲)達噉微達噉羯囉微孕羯嚩多(去聲)曳莎訶(去聲)扇諦詰寧(去聲)唼嚩(引)

料孃(去聲)莎訶(去聲)杜嚕杜嚕地曳莎訶(去聲)鉢特忙娑(去聲)噉鉢特忙三婆(上聲)吠枳羯噉訶蹬羯喇曳莎訶」

次說月光菩薩陀羅尼曰：

「南麼薩唵嚩勃馱菩提薩怛嚩(引)難怛[(仁-二+爾)/也]他(去聲)戰捺噉鉢囉陸梅娜囊(上聲)注唵孃(去聲)罽羅娑嚩底薩囉嚩勃馱地瑟恥多(去聲)南謨(上聲)弭諦莎訶」

次說文殊師利菩薩陀羅尼曰：

「南謨(上聲)痾(去聲)哩也曼殊室哩曳菩提薩怛嚩(引)野怛[(仁-二+爾)/也]他(去聲)若(而也切，下同)曳若曳若野臘悌若野摩訶(去聲)摩醯莎訶」

次說觀世音菩薩陀羅尼曰：

「南謨(上聲)痾(去聲)哩夜嚩路枳諦濕嚩囉(引)野菩地薩怛嚩(引)野怛[(仁-二+爾)/也]他(去聲)伽(輕呼，下同)伽囊多伽伽囊(上聲)糝謨(上聲)檟夔諦伽伽囊(上聲)微訖囉多微訖囉多噶爾袂爾波若袂爾莎訶」

次說普賢菩薩陀羅尼曰：

「南謨(上聲)痾(去聲)哩也三曼多拔捺囉(引)野菩地薩怛嚩(引)野怛[(仁-二+爾)/也]他(去聲)醯拔捺噉摩訶(去聲)拔捺噉阿底(下以切)拔捺噉微夔多囉若細摩訶(去聲)微夔多囉若細醯莽嚩底羯唵忙嚩囉寧微戍誕寧(去聲)莎訶」

次說彌勒菩薩陀羅尼曰：

「南謨(上聲)痾(去聲)哩也昧怛噉野菩地薩怛嚩(引)野怛[(仁-二+爾)/也](去聲)他(去聲)昧怛噉昧怛囉忙囊(上聲)細莎訶」

次說虛空藏菩薩陀羅尼曰：

「南麼痾(去聲)哩夜迦(去聲)賒夔唵婆(去聲)野菩地薩怛嚩(引)野怛[(仁-二+爾)/也](去聲)他夔唵陸夔唵陸微戍誕寧(去聲)莎訶」

次說無盡意菩薩陀羅尼曰：

「南麼痾(去聲)哩夜訖灑野沫底菩地薩怛嚩(引)野怛[(仁-二+爾)/也](去聲)他惡訖灑曳護惡訖灑曳護惡訖灑野羯唵忙微戍誕寧(去聲)護莎訶」

次說維摩詰菩薩陀羅尼曰(又云無垢稱菩薩)：

「南麼痾(去聲)哩也微沫羅枳(去聲)唵多(上聲)曳菩地薩怛嚩野怛[(仁-二+爾)/也]他(去聲)枳(去聲)唵底多(去聲)薩囉麼爾寧(去聲)囉底多(去聲)薩囉麼爾寧(去聲)嚩日囉羯噉嚩日囉三婆(上聲)吠嚩日囉(引)陸諾迦噉莎訶」

次說除一切障菩薩陀羅尼曰：

「南麼薩囉麼寧(去聲)嚩囉嚩(上聲)微色劍避孃(平聲)薩菩地薩怛嚩(引)野怛[(仁-二+爾)/也]他(去聲)薩囉摩嚩囉嚩(上聲)微色劍避孃(平聲)莎訶馱覩微羯囉孃(平聲)莎訶(去聲)誕寧(去聲)莎訶阿嚩唵爾多迦

(引)曳莎訶(去聲)沫羅娜那寧(去聲)娑訶(去聲)菩地孕伽娜那寧(去聲)莎訶(去聲)闕囉忙涅唵嚩嚩(引)比多迦(引)曳莎訶(去聲)噫迦(引)囉(引)忙曳莎訶(去聲)瑜伽橈囉(引)曳莎訶(去聲)薩囉麼勃馱毘色訖多(去聲)曳莎訶(去聲)沒囉訶謀跋虞訶(去聲)曳莎訶(去聲)薩唵麼達囉忙毘色訖多(去聲)曳莎訶(去聲)薩囉麼勃馱毘數多(去聲)曳莎(去聲)訶噫迦室[口*陵]伽(引)曳莎訶(去聲)河部多(去聲)曳莎訶(去聲)阿糝部多(去聲)曳莎訶薩唵麼耨區(去聲)鉢閃滿寧(去聲)莎訶」

次說月光童子陀羅尼曰：

「南麼戰捺囉鉢囉婆(去聲)野矩忙囉部多(去聲)野怛[(仁-二+爾)/也]他(去聲)鉢囉陛鉢囉婆(去聲)嚩底達唵忙微輸(上聲)地唵婆鏤覩袂莎訶」

爾時佛告金剛密迹主菩薩言：「若有善男子善女人念誦此十八大陀羅尼者七日七夜，彼人所有過去及現在世三業等罪，乃至一切諸障悉皆消滅，身心清淨，所有世間風痰冷熱諸餘病等悉得除瘥，一切鬼神布單那鬼、癡狂鬼、藥叉、羅刹、執富那鬼、毘舍闍者鬼、茶枳儻鬼，并吸人精氣諸餘一切鬼神，常去此人十二由旬。及饑荒疫病、閃電霹靂之患不相損害。若男子女人身有災厄，當於宅內安置舍利塔并佛形像，畫文殊師利童子像，燒種種香、沈香、白膠等香，然燈散華，上妙果蔬百味飯食每日供養，書寫受持讀誦此經依法修行，勤加念誦繞塔行道，所有諸患及餘災厄悉當除滅。」爾時世尊復告金剛菩薩言：「此文殊師利法藏中有真實法、最上殊勝無可比法，能為眾生作如意寶，能令所在國土人民皆發十善。若國王勤化十善，所作悉皆圓滿。此八字大威德陀羅尼者，乃往過去無量百千恒河沙諸佛所說，為擁護一切行十善國王，令得如意壽命長遠，福德果報無比最勝，諸方兵甲悉皆休息國土安寧，王之所願常得增長。此陀羅尼能大利益，憐愍一切有情諸眾生故，能斷諸三惡道、能為一切作法，如佛現在處世無異。此文殊師利菩薩自身，為利諸眾生故自變其身為八字呪神像，能滿一切有情意樂等事。若人能暫聞憶念此陀羅尼者，即能滅四重五逆等罪，何況常念誦者。設使一切諸天有大福德，及十地一生補處，於中二大威力人亦不能奪其福德，所作事業不能為障持八字人福，何況餘小天人及無威德龍神鬼而作障難？設我住世恒沙億劫，說文殊師利童子菩薩八字陀羅尼，為諸有情除罪生福成就事業，具滿一切眾生諸願之法，非口所宣能盡其福，勤心念誦證者乃知。於今略說。汝金剛菩薩！於我滅後，以汝神力於瞻部洲廣宣流布，使薄福眾生持此八字陀羅尼，同汝神力令速超於三界，加功不退勿就餘法，日夜精勤作法念誦不計日月，畢見文殊童子為現其童子身，悉了一切事、斷一切苦果，於現身中超入六地、具六波羅蜜，即能悉捨一切，進修不退速入八

地，任運自在分身百億，隨類教化眾生悉滿其願。見身獲報如是。」爾時世尊說此語已，默然而住，顧視金剛菩薩。時金剛菩薩即於會中從座而起，踊躍歡喜繞佛三匝，胡跪合掌瞻仰世尊，復白佛言：「向者如來所說大聖文殊師利童子八字大威德陀羅尼，名字句義何者是也？八部之類願皆樂聞，唯願說之。我亦欲聞，聞已受持，持已常當益後未來一切有情，令離三癡八苦十纏。」爾時世尊告金剛菩薩言：「汝今諦聽諦聽，當為汝說。此大威德八字祕密心陀羅尼，若有聞者，如從佛口稟受此陀羅尼句義，亦如佛住世無有異耳，能與眾生於黑闇中作大明燈。」爾時如來即為大眾而說呪曰：

「南麼阿鉢哩弭多(一) 壤囊微寧濕嚩囉(引)[口*誓]捺囉野怛他(去聲)夔多(去聲)野南謨(上聲)曼殊室哩曳矩忙囉部多(去聲)野怛[(仁-二+爾)/也](去聲)他(去聲)唵痾(去聲)末囉[合*牛]却浙囉」

爾時世尊告金剛菩薩言：「是八字最勝威德心陀羅尼，我今重復告汝一切大眾心勿有疑。若見聞之者，如佛在世，亦見文殊師利童子無有異也。能見諸佛神力不可思議，亦能作大神通變化自在。我今略讚此陀羅尼少分功能；若具說，無量俱胝那庾多百千大劫不可說盡，如前已釋。金剛菩薩！若男女人於此陀羅尼發心念誦者，不能廣辦供養，在家種種迫迮不可具依法則，但能禁其身三口四制勒三癡，如上十惡永絕其源者，即念誦此陀羅尼憶持不忘，依時隨分不闕多少供養，漸漸亦得成就，除不正心、不發大乘菩提之心、於三寶處起不善心。行惡業之人，一切小法尚不成就，何況佛之大法、文殊聖者軌儀而能成就？」爾時佛重告金剛菩薩言：「善男子！若有男子女人發心能憶誦此陀羅尼一遍者，即能擁護自身。兩遍，能護同伴。三遍，即能大擁護國王，住十地菩薩亦不能越過此陀羅尼力者，何況諸小天魔龍神鬼類惡眾生等而能障礙。若誦四遍，即能擁護妻妾男女。若誦五遍，擁護一切眷屬。若誦六遍，能護一切城邑村坊。若誦七遍，能護一切眾生。若欲著衣之時，當呪衣七遍，能除一切內外惡毒及諸災難。若洗手面時，當呪水七遍，能令一切眾人生貴重心，所有諸惡人見者悉當降伏，自當敬重日夜憶念，見即歡喜心無捨離。若人患身體支節疼痛，呪煖水一百八遍洗浴，即得除愈。若每日早朝，以水一掬呪七遍飲之，在身所有惡報悉得消滅。何況無災厄者，及諸三業者亦得除愈，并得壽命長遠。若呪飲食喫者，一切諸毒不能為損。若見惡人及有怨家，當須念誦此呪，所有怨家起惡心者當自降伏，惡心即滅，慈心相向。有恐怖處，當須攝心念誦此呪，即得除怖。若欲臥時，當誦此呪一百八遍，即得好夢，善知吉凶。若人或患瘡病，持此呪者視患瘡人面，切誦此呪一千八遍，其患即除。若欲入陣，當取牛黃書寫此呪帶於身上，一

切刀仗弓箭鋒槊不能為害。若入陣時，畫文殊師利童子像，安於象馬上，當於三軍前，先頭而行引諸軍眾，彼兇愚賊自然退散。畫像之法，須作童子相貌，乘騎金色孔雀。若有一切眾生見畫像者，所有四重五逆等罪悉得消滅，常得面覩文殊聖者童子親為教授，即得究竟解脫乃至佛果，於其中間不被三界煩惱癡心相應。是故勸念一切有情，行住坐臥當須念呪憶持不忘，時時每誦一百八遍勿令斷絕，常得一切眾生見者皆來歸伏，惡人自當退散。若能每日三時念誦各一百八遍，所作稱意所求諸願悉得隨心，一切皆得圓滿具足，得大富貴所遊無障，自在恣情受諸快樂。設臨命終，即得聖者文殊師利童子親現靈儀，為說大乘深妙法藏，聞法心大歡喜，即得普門三昧。得此三昧已，於煩惱生死當永隔別，即與文殊聖者及大菩薩同為眷屬，位階三地進修不退，住文殊聖者之位，同得佛智慧三摩地門。」爾時佛告金剛菩薩言：「善男子！此文殊師利童子八字大威德力陀羅尼，若有國王王子、妃后公主及諸宰輔并凡庶類等，能書寫此呪安於宅中，其家即得大富貴饒財常富，兒女聰明利智辯才、巧計相貌端嚴具好人所愛樂，所出言音眾人所奉施行無違，象馬畜類悉盛成群，奴婢寶貨受用無盡，宅中災禍自然消滅。善神護宅，人福強盛，鬼神無嬈。設有鬼神，皆是有福之鬼，皆護其人不求人短。」爾時世尊復告金剛菩薩言：「善男子！此祕密陀羅尼不可思議，諸佛威德亦不可思議。若有人能誦此八字大威德陀羅尼者，復有畫像之法，能建此像，為益一切諸修行十善國王。設能於此陀羅尼用少功力得大覆護，諸王王子、妃后宮人嫖女、百官宰相及諸士女，并諸國土一切人民，所有田宅悉皆擁護。凡此畫像已，有人但能所在處安置，於中土境皆得安寧。設有惡賊、水火刀兵、劫賊之橫並得除滅。乃至非時疫病、旱澇不調、蟲霜損害亦悉除滅。常得依時龍王降雨，苗稼茂盛國土豐熟，無諸災難。」爾時金剛菩薩摩訶薩白佛言：「世尊！向者所說廣畫像法，當云何作？唯願說之。」爾時世尊告金剛菩薩：「善男子！凡欲畫像，先看上好細氎。須揀擇日月吉宿善曜太白直次、好時刻分吉祥善時，然後畫像。於清淨處掃灑已，牛糞塗地，懸諸幡幢，香華供養，燒龍腦香。其氎須闊八肘長十二肘，於中先畫釋迦牟尼佛，坐七寶蓮華座，作說法勢。佛右邊畫文殊師利童子像，身佩瓔珞，頸挂咽珠，種種妙服莊嚴其身，童子色相如鬱金色，胡跪合掌瞻仰如來，作請法勢。次畫觀音像，觀音右邊畫普賢菩薩，次普賢右邊畫虛空藏菩薩，次虛空藏右邊畫無盡意菩薩。又釋迦牟尼佛左邊畫彌勒菩薩，彌勒左邊畫無垢稱菩薩，無垢稱左邊畫除一切障菩薩，次除一切障左邊畫月光童子，次月光左邊畫金剛菩薩(已上十菩薩，兩邊各五位侍佛側)。各處其位，坐七寶蓮華上，皆畫本形，乃至手執並依本法。又

於釋迦牟尼佛上空中更畫七佛，所謂廣大智甚深雷音王如來、除一切障如來、第三阿彌陀如來、功德處如來、普香佛、難勝勇雷音行佛、心不動佛。此之七佛皆須次第畫之，其身皆作金色，各如作說法像。其畫像上兩邊空處各畫一天仙，頭戴華冠，各手捧華槃，一手散華，現於半身於雲中，形貌端正，種種嚴飾其體。其釋迦牟尼佛所坐蓮華出水池內，池中復現二龍王，一名難陀、二名憂波難陀。其二龍王於其池中現出半身，人身蛇首，具有七頭並皆白色，種種雜寶莊嚴其身。左邊難陀龍王以右手託佛華莖瞻仰如來，以左手豎其五指，以大母指指於額上作歸依勢；右邊龍王一如左邊。其文殊師利童子下畫野曼德迦瞋怒王，仰觀文殊師利童子，作悚懼曲躬受教勢。於彌勒菩薩下畫持法人，勿失本相，手執香鑪胡跪而坐，瞻視世尊如聽法勢。畫像四邊散畫龍王，次畫蓮華及諸妙華。諸華等下畫梵天、摩醯首羅天、四天王天等，次畫四箇阿脩羅王，次畫四箇執鬼神曜王(已上左邊侍從也)。右邊畫那羅延天王、帝釋天王、四天王，次畫四箇阿脩羅王，次畫四箇執鬼神王(已上右邊侍從也)。各依本相貌畫其身形，皆須手執器仗不得差錯。次畫九箇執鬼神，現出半身合掌向佛觀如來像。」說此畫像法已，爾時如來便以讚誦，即說偈言：

「此妙畫像法，最勝殊功德，
三世一切佛，同讚不思議。
我今演少分，文殊童子德，
若有諸智者，能起壹念心，
依法畫此像，獲福德無量。
供養生恭敬，所有俱抵劫，
四重五逆罪，極苦諸惡業，
觀敬童子像，報障皆當滅。
世間中有所，諸惡類眾生，
不信有三寶，放逸破戒行，
不懼一切罪，墮於泥犁中，
楚毒湯火惱，輪轉受諸苦，
經於無量劫；若遇此畫像，
能發一念心，忻樂暫瞻視，
或少剎那頃，須臾不散亂，
內發歡喜心，此諸惡業輩，
一切皆當滅，獲果福無量。
何況行善業，能修清淨因，
後得妙好相，具足菩薩身，

四眾常瞻仰，常行勤精進，
愍念惡趣眾，於中常饒益，
趨走為給使，和光不同塵，
教化令生信，引之脫苦縛。
過去有諸佛，及現未來佛，
無量俱胝劫，皆行菩薩道。
敷具與娛樂，象馬諸珍寶，
頭目髓腦等，於諸三世中，
上至於有頂，下極風輪界，
橫括諸十方，六趣四生類，
有情之含識，一心遍供養，
事事無空過，皆令給足之，
使得心歡喜，令發菩提心，
速證無漏果，成超三賢行，
越階初地位，其福不可量，
神力無比類。雖有如是德，
誦此陀羅尼，能畫文殊像，
彼人獲果報，其福不可說，
十方恒河沙，尚有知其數，
畫像福德力，無能知其邊。
若天及人王，供養恒沙佛，
并諸菩薩眾，聲聞及緣覺，
大威八部眾，劫劫恒供養，
其福不可算；若覩文殊像，
或能持此經，晝夜不廢忘，
取華香旛蓋，果味諸飲食，
及持上七寶，并敷妙衣服，
不計年月歲，日夜六時中，
虔誠不忘念，以施設上供，
文殊童子像，并持八字呪，
復於時時中，常於畫像前，
禮懺諸愆罪，及讚大聖德，
求願諸悉地，**金**剛三昧門，
及佛菩提果，乞證六神通，
速悟七辯才，願如文殊等，
演法無窮極，導引群生類，
令達於彼岸。願我久住世，
似如大聖類，不願取佛果，

於苦眾生中， 同共一處生，
不計劫長遠， 恒持祕密藏，
八字陀羅尼， 轉轉相囑授，
悉皆令受持， 并諸別部呪，
皆於文殊像， 於前而作法，
速超佛地果。 轉勸諸餘人，
一念生隨喜， 八字陀羅尼，
願證深法門， 一切三摩地，
由如文殊等。 一切諸天人，
持於本部呪， 不獲悉地願，
瞻仰童子像， 齎持一華果，
或以一塗香， 捧持盪伽水，
胡跪而供養， 至心恭敬禮，
期求心中願， 悉獲無有疑，
稱心依本願。 我今重告汝，
聲聞及天人， 龍王阿脩羅，
金鳥王眷屬， 摩睺羅伽等，
鬼母及族類， 羅刹并藥叉，
人主及小王， 群臣凡庶眾，
速發大弘願， 願踐文殊跡，
行業速超齊， 上中下悉地，
願願令成就， 一切諸有情，
願皆同我願， 令使諸眾生，
習氣皆頓滅， 願登佛寶山，
內外悉圓滿， 證常妙法身，
見真佛性珠， 如掌金剛寶，
永寂入無餘。」

爾時世尊復告金剛菩薩言：「此八字大威德陀羅尼法中有祕密最勝不可思議壇印軌則，於諸法中最廣殊勝。若有比丘比丘尼、善男子善女人、依法受持讀誦書寫修行、現世成就一切吉祥、諸事圓滿壽命長遠、眾人愛敬生珍重心。命終之後、得生天上受樂無量、或生王宮處尊重位、受富快樂身無病苦、得宿命智薄貪恚癡、善知因果寶重佛法。雖紹貴位心無憍慢、宿因力強習讀大乘、愍念一切心無勝負心常利有情。若下流生於諸人中貴豪英俊、宣言辯利人所愛樂、壽命長遠中無災橫、所於求願事與心規者無人違信。」

爾時金剛菩薩白佛言：「世尊向者所說於此法中有祕密壇法，其事云何？唯願知來當為廣說。」爾時世尊告金剛言：「善哉！善男子

善女人等，發信敬心作壇法者，先須揀擇清淨殊勝上地。當得地已，皆須深掘除去瓦礫磚石荊棘毛髮灰糠糞等穢。除去不淨物已，取好淨土堅築令平，量取其地東西南北，正取八肘或四肘，取於香水塗其地上使令明淨，然後取其牛糞以香水和，復塗地面使令三遍，然後復取稠香水以灑壇地。即取白繩量取八肘，東西南北以等度其地，以粉點定長短。分布壇院以作三重，四面開門。量定位界勿使闊狹不等，方始五色粉下於界位。凡位畫壇之法及以器仗印契，皆從東面起首，先畫五頂印，次畫優鉢羅華印，次畫牙印，次畫文殊童子面印，次畫槃印(已上五印壇內東面畫之)。次畫蓮華印，次畫優鉢羅華印，次畫幢印，次畫旛印，次畫傘蓋，次畫烏頭門，次畫車路車印，次畫迦半悉娑縛吉祥印，次畫孔雀印，次畫白象，次畫馬，次畫犂牛，次畫水牛，次畫羖羊，次畫白羊，次畫人，次畫童子(已上印契皆須門外次第分明畫之)。如是三種壇，壇外院更畫藥叉將梵名摩尼跋羅，東方。次畫藥叉將梵名布拏跋陀羅，南方。次畫藥叉將梵名毘嚩波叉，西方。次畫藥叉將梵名毘沙門王，北方。如上四將各住本方，掌壇四面，領諸鬼神護其方界。次畫日月，次畫七星，次畫二十八宿，次畫訶唎底母神鬼子母。是如上所說壇外所畫形像器仗印契等，悉皆如法畫之，勿使雜亂差錯，皆用色彩。畫法如是，今已釋訖。修行之人依此軌儀，進功修業必獲稱心，無虛謬耳。

「又法若為羅闍作者，於淨宅內修耳。若欲求於白象者，往象坊作之，必獲本願。若欲求馬者，於馬坊作法，必獲本願。若蛇螫者，於大池有龍之處作法即可。若患瘡病一日乃至七日，當於本住村坊舍宅處近南邊作法即愈。若鬼魅及羅刹所著者，當於空室或屍陀林處作法，其患即得除愈。若毘舍闍鬼所著者，當於[蘇-米+比]麻樹下作法，其患即得除愈。若一切鬼神及諸熱鬼所著者，當於死人室中或於新生孩子室中作之。若被諸毒所中者，誦此八字呪水七遍與飲，即得除愈。若有畜生疫病所著者，當於果樹下作法，其疫即除。若欲得田疇苗稼茂盛豐熟實者，當於園苑之內作之，即得如願。若有婦人患諸惡病，或被鬼神迦樓羅乾闥婆等吸人精氣成病疹者，當於河邊或於山頂上作之，其鬼神等悉當遠離，身體平復，於後無諸難厄。若被一切茶枳儼鬼，於空閑靜處或流水邊作法，其鬼即離，其人無諸疹咎。此等法則，於盛日中或夜半作之。事將畢已欲除壇時，當誦八字呪，其壇內物當送水中或施貧者，於後所求諸事並得圓滿。」爾時世尊而說偈言：

「此大陀羅尼， 威力不可說，
若人常受持， 能除一切病，

所作諸事業，一切皆圓滿，
及得壽命長。若得見此壇，
諸罪悉皆滅，若求世間樂，
富貴自在力。或能厭世間，
欲求生出死，超過諸苦海，
學習菩提行，摧伏諸魔軍，
若入此壇者，必獲大威力。
此大祕密法，為信法國王，
執正行平等，當須廣為說。
若無信惡人，假使得重寶，
滿於三千界，其價不可量，
當奉上是寶，欲聞此法藏，
祕密陀羅尼，八字真言義，
亦不合為說。何以法如此？
久遠修善根，廣達三乘法，
信根尚無退，猶未合得聞；
已入十住位，由未達其原，
八字陀羅尼，印壇壇軌則，
瑜伽相應法。何況諸惡人，
合聞如是義？八字真言門，
呼召設大法，現身而證事，
三部聖者法，具含八字中；
菩薩及金剛，諸天呪祕藏，
皆屬八字攝；過去一切佛，
現在及未來，一切諸菩薩，
修行此法門，悉證菩提果。
文殊大菩薩，不捨大悲願，
變身為真童，或冠或露體，
或處小兒叢，遊戲邑聚落，
或作貧窮人，衰形為老狀，
示現饑寒苦，巡行坊市廛，
求乞衣財寶，令人發一施，
與滿一切願，令使發信心，
信心已發已，為說六度法。
領萬諸菩薩，居於五頂山，
放億眾光明，人天咸悉覩，
罪垢皆消滅；或得聞持法，
一切陀羅尼，祕密深藏門，

修行證實法， 究竟佛果願，
具空三昧門， 習盡泥洹路。
文殊大願力， 與佛同境界，
豈況輕心人， 欲聞此法門，
而能修行者？ 設使欲修行，
或遭王難起， 或不值良伴，
魔官嬈心神， 惡鬼得其便，
誑說非法語， 國土之豐儉，
自身受刑害， 皆由不信故，
現報招此殃。 謗毀祕密藏，
八字陀羅尼， 當來正苦報，
具受阿鼻獄， 經於無量劫，
始乃當得出； 受於餓鬼苦，
經於千萬劫； 復墮傍生中，
負重常受苦； 於後得人身，
六根不具足， 常處貧窮家，
衣服不蓋形， 饑飡麤澁味，
常受饑渴苦， 復饒多疾病，
無人救療治。 斯人受苦報，
不可說窮盡。 謗斯陀羅尼，
真祕之要門， 具受斯苦報，
諸天八部眾， 一切咸應知，
勿生一念謗。 於此陀羅尼，
若生少分疑， 一念不信者，
同獲如前罪， 必定無有疑。」

爾時釋迦牟尼佛復告金剛菩薩言：「汝當受持八字陀羅尼并契印法，囑付傳受出家在家大悲淳厚、行菩薩行具四無量、慈愍一切不捨眾生心者，如是大士乃可囑受與之。聲聞凡夫未發大意，不能堪受此法門故，亦不勝菩薩慈悲重擔。小器之類豈能饒益有情？唯有大人能建大事，堪可受持此陀羅尼祕密之藏印信法門，能持佛法久久不絕，宣流遍布一切有情，令使受持證法實性彼自不退。善男子！汝之神力，魔官外道幻惑之人無能與汝雜者。假汝威力令法久住，盲聾凡眾聞法見道，令漸修學至三乘路。善男子！此八字法中，有印名曰精進，能滿一切持誦人願。作法之時先結此印，其事速成，一切吉祥日夜增長，與心規者皆得就手，恣情快樂受用無窮。」

金剛菩薩白佛言：「世尊！結印之法軌則云何？佛為我說，我今樂聞祕要之法。乃至證佛菩提，以將此法宣布教化一切有情，令使速悟佛祕藏門，得大威力如我無異。還以神通折伏天魔外道徒輩，使入大乘佛正法門，令見道跡昇超彼岸。」爾時世尊告金剛菩薩言：「善男子！凡欲念誦此八字陀羅尼，欲作結印法時，淨洗其兩手，取白檀、鬱金、龍腦、沈水等上妙好香，石上和水磨之。於後以用香泥塗於兩手，熟揩使遣香氣入肉。即於佛前胡跪合掌，廣發大願頂禮諸佛而作是言：『敬禮娑羅王佛(梵名)娑(引)禮捺囉囉(引)惹。敬禮開敷華王佛(梵名)三矩蘇(上聲)弭多。敬禮寶幢佛(梵名)羅怛曩計都。敬禮阿彌陀佛(梵名)阿弭跢婆(去聲)野。敬禮無量壽智佛(梵名)阿弭跢庾枳孃曩。敬禮山王佛(梵名)勢禮捺囉惹。敬禮作日光佛(梵名)爾崩(去聲)迦囉。敬禮極安隱佛(梵名)蘇乞史麼。敬禮善眼佛(梵名)蘇(上聲)窟怛囉。敬禮法幢佛(梵名)達麼計都。敬禮光鬘佛(梵名)不吼婆(去聲)麼(引)里。』

「已上十一佛名，至心稱念運心頂禮。想本師釋迦牟尼佛及文殊五髻童子像，請乞加被，便結其大精進印。印曰兩手合掌，八指相叉皆屈掌內，以二大指少屈相並壓著二頭指屈節上，名曰大精進印。此是一切佛所說。欲念誦結印之時，呪用八字陀羅尼。呪曰：

「唵 阿味羅吽却唎囉」

「次說如意寶印。印曰以兩手相叉，二頭指相拄，屈其大母指入於掌內相叉，此印亦名大精進如意寶印。」即說呪曰：

「唵 帝儒(二合)嚩羅薩婆邏吒(二合)娑陀迦悉地耶 悉地也真多摩呢囉多娜吽」

「若持誦八字陀羅尼人，皆須用前兩印誦前陀羅尼，然後結印。此印能廣作一切事悉得成就。若欲身上莊嚴冠帶之時，皆須呪衣七遍然後著之，即得擁護自身，常得一切人恭敬。若欲入陣戰鬥去時，所有器仗並呪一千單八遍，隨身將入御敵，其賊恐怖無敢當鋒，自然退散無停足者。又法若欲降伏一切怨敵惡人者，緣身所著衣服呪一千八遍，著於身上以就怨敵，其兇惡人並來降伏。又法以取珠珍或[王*勒][王*(鞞-人+义)]諸雜寶等呪一千八遍，安幢上或置軍將身或安馬象之上，隨入戰陣於前而行，彼賊遙見自然降伏。如是等法，無量無邊不可稱數。其前二印常須依清淨結用，以護其身得長命報，能除一切病，破一切毘那夜迦惡魔外道，及諸惡人不能作障。如法用印，一切呪神時時現身，持誦之人速得悉地，亦得十方一切諸佛遙讚歎之，勅菩薩金剛并八部等隨逐擁護為助其力。文殊師利童子日夜隨逐為伴，不捨其側現種種身，同行事業為說勝法，不令修此法人退菩提果。其二印功能為眾生除罪獲福，唯佛能知，非凡測度所明達處。作法之人用心勤功日夜不住，意勿餘緣，自當

有證。」爾時金剛菩薩復從座起，頂禮佛足，右邊三匝，右膝著地合掌向佛瞻仰如來，作如是言：「妙法希聞，善哉甚奇殊特難思。我今得聞祕密大威德陀羅尼法藏力故，使我福德神通倍加增盛，魔宮震動光明殄滅，娑婆世界此瞻部洲國王大臣八部群輩福盛威增無諸痛惱，壽命延長人民和安，惡賊寇擊之類各居本境侵燒情息，敬佛信法請僧求福。以陀羅尼福力令我威神使諸天及人獲如是益。願此法門於閻浮提廣行流布，利益一切未來眾生。唯願世尊說此陀羅尼功能利益。現在未來若有眾生發心受持，能成何事？獲福云何？唯願如來為我具說。」爾時世尊告金剛菩薩言：「善哉善男子！汝於此陀羅尼，往昔曾經少分聞故，一念隨喜而受持故，於今號汝為金剛忿怒大力。上至有頂下極風輪橫及十方，一切魔王并諸眷屬常於四生及六趣內惑亂眾生，能使有情不厭五欲。唯汝金剛忿怒之力，閉六趣門淨五欲境，建佛道場天人詣至，見法實性摧魔癡欲，依汝取正。汝曾往昔暫一聞故，隨喜誦念尚獲如是大威神力；何況菩薩及諸緣覺聲聞之人并及有情，聞此陀羅尼八字神呪并二印，受持讀誦書寫憶念，或能自作及勸人受持，此法決定速證阿耨多羅三藐三菩提果。善男子！此陀羅尼所流布處，當知皆是文殊師利童子威力得聞此法。若有國土城邑有此法處，菩薩辟支聲聞之輩、苦行大仙及呪仙等、天龍修羅金翅鳥王乃至人非人等，於中正住常當圍繞，讚歎供養守護此經。金剛菩薩善男子！此陀羅尼八字密藏，是如來法藏出佛身經，亦名文殊童子變身八字呪經。若有善男子善女人，我滅度後法欲滅時，受持此法讀誦書寫尊重讚歎，種種香華塗香末香、傘蓋幢旛鐘鼓磬鐸、微妙音聲歌詠讚頌，及上妙衣服恭敬供養者，當知此人現世獲十種果報。何等為十？一者國中無有他兵怨賊侵境相燒；二者不為日月五星二十八宿諸惡變怪而起災患；三者國中此有惡鬼神等行諸疫疾，善神衛國萬民安樂；四者國中無諸風火霜雹霹靂等難；五者國土一切人民。不為怨家而得其便；六者國中一切人等不為諸魔所逼；七者國中人民無諸橫死者著身；八者不值惡王行諸虐苦，無非時風暴損苗稼，五穀熟成甘果豐足；九者善龍入境，及時降雨非時不雨，名華藥木悉皆茂盛，天人仙類時時下現，無有旱澇不調之名；十者國中人民不為虎狼兇獸諸惡雜毒之所損害。金剛菩薩善男子！此八字陀羅尼祕密藏門所在之處，有人迴心一念恭敬供養者，獲前十種果報。何況有人正意發心受持念誦，勤苦不退日夜坐禪，觀此文殊師利童子形像，供養無虧不闕，時時行道稱念其名，不為現身滿其願者無有是處。」爾時世尊為諸大眾重說偈言：

「供養救世者， 祕密藏殊勝，

此法文殊說。若人能受持，
稱彼前人願，圓滿福具足，
大富貴饒財，名聞遍十方。
若人於此經，隨喜一念善，
持一陀羅尼，或誦八字呪，
其福不空過，速獲大吉祥，
顏貌悉端嚴，由如天童像，
身形稱十六，具足七辯才，
常受大富貴，世世恣情樂，
無諸疾病苦。文殊悲願力，
令諸有情類，現世獲安隱。
若有諸國王，欲往他方國，
入陣擬鬪戰，書此陀羅尼，
八字真言句，頂帶及身上，
心常懷憶念，不為怨家害，
刀仗不及身。復有殊勝法，
能伏他兵力，更畫文殊像，
五髻童子身，騎乘於孔雀，
安置於幢頭，或遣人手執，
使令軍前行，諸賊遙望見，
自然皆退散。或取金銀等，
造作童子像，種種妙莊嚴，
置於旛幢上，將入戰陣中，
三軍悉勇健，鎗甲器仗等，
威光炎熾盛，諸賊惡愚等，
應時尋退散，或迷失本心，
歸款自降伏。國主人非人，
諸人仙類等，藥叉及羅刹，
乾闥緊那羅，布單羯吒等，
鬼母及龍神，蟲狼與虎豹，
師子諸象類，如上諸惡毒，
見幢悉歸心。我今重告汝，
一切諸菩薩，緣覺及聲聞，
金剛眷屬等，諸天龍神類，
脩羅金鳥眾，乾闥緊那羅，
一切摩睺羅，羯吒布單那，
鬼母并男女，阿婆娑摩羅，
人王及非人，今當復諦聽，

我今復重說，文殊悲願行。
一切諸世界，有佛國土處，
大乘所流布，皆是文殊力。
十方國土中，菩薩及聲聞，
得登地位者，皆是文殊力。
九十五種輩，修仙苦行業，
得生非想者，皆是文殊力。
生餘諸天者，受持五欲樂，
壽命得長存，皆由文殊力。
諸脩羅王等，遊行周四海，
威力勇難當，皆是文殊力。
天帝共脩羅，於其大海上，
鬪戰無恐怖，皆是文殊力。
諸龍無怖難，不懼金鳥食，
解脫遷死憂，皆是文殊力。
諸小薄福龍，不被熱沙惱，
身體得清涼，皆是文殊力。
大威金翅鳥，能噉諸珍寶，
入腹悉消化，皆是文殊力。
梵王大自在，下至四天王，
救護諸人民，皆是文殊力。
功德大天女，能滿貧窮者，
衣服雜七寶，皆是文殊力。
文殊童子願，一切十方佛，
尚不知其邊，何況凡夫類，
測度知原際。設欲興心測，
恒沙乃可算，文殊童子願，
不知毛頭分。文殊童子慧，
唯除等妙覺；初地至十地，
無能知塵分，何況聲聞眾，
辟支佛等類，而知文殊慧？
文殊四辯才，皆說究竟法，
聞者皆解脫，至於佛彼岸。
我今重重讚，文殊妙慧行，
志願深極廣，能滿一切眾，
菩薩第一樂，十方佛亦讚，
童子行悲願。汝諸菩薩眾，
緣覺及聲聞，并諸八部眾，

勿以輕慢心。 文殊童真子，
常須恭敬禮， 取上妙香華，
并修香甜味， 飲食諸果子，
供養童真子。 一切諸菩薩，
金剛眷屬眾， 八部諸龍神，
人王凡庶類， 雖聞餘菩薩，
神通不思議， 由故不如畫，
五髻童子像， 及持陀羅尼，
八字真言句， 作法不懈息，
速超佛地果， 畢定無有疑。」

爾時世尊告金剛菩薩言：「善男子！諸佛威德及諸菩薩神通變化亦不可思議，此法寶藏亦不可思議。是故金剛！汝常精勤憶念恭敬。乃至國王人民百官，比丘比丘尼清信士女并諸法師，能常憶念此陀羅尼法寶，功能不可思議。此法與一切眾生廣行流通，從國至國乃至村坊，有人住處遞相傳受，於諸大眾流布不絕，令人受持得福無量。乃至他國聞有善人，及國王等愛樂大乘尋訪善友，即須往彼國令彼國王及諸人民，令使受持書寫讀誦敬信無疑。若欲擁護結界，應用此陀羅尼，一切諸處皆通用之。若有法師樂持此法者，亦傳受與之。其法師得此法已，常須恭敬此陀羅尼如佛無異。若人於此法師處生大尊重心，金剛菩薩善男子！若人聞此法寶藏經，不能受持讀誦書寫供養，不為他人廣說利益，不傳與人此陀羅尼者，此等諸人亦不能發眾生無上菩提之心，如此人輩當獲大罪，如犯四重五逆等罪無有異也，一切諸佛及諸菩薩常當遠離。」佛告金剛菩薩言：「善男子！於後末世，若有善男子女人等誹謗是經，及出麁語云此經法非佛所說。當知是一切諸佛怨，於阿鼻地獄千劫受於大苦，劫盡更生餘地獄中，受諸苦惱未可窮盡。」爾時金剛菩薩聞佛說是法已，即於佛前歡喜踊躍以偈讚佛：

「廣饒益有情， 說此陀羅尼，
并宣最勝經， 亦為利益我，
亦利諸眾生， 令獲大安樂。
由如佛世尊， 稱歎諸佛德，
一切諸呪義， 能修勤行者，
希有未曾有， 說利眾生故。
我今當頂禮， 最勝大菩薩，
文殊童子像， 如教頂戴行。」

爾時釋迦如來告金剛菩薩言：「善哉善哉！汝今能攝一切諸有情故，發是大心廣能修行大利益事。善男子！我今此法付囑文殊師利法王子手，令後世中於瞻部洲廣為眾生宣傳流布。」文殊師利童子即於佛前歡喜踊躍，熙怡含笑而白佛言：「世尊！今蒙如來於大眾前付囑我此陀羅尼法藏經。我當擁護，我當受持。世尊涅槃後，於惡世中令諸眾生依法受持，廣行流布常不斷絕。」於是世尊說斯法時，無量無邊諸眾生等聞此法者皆得離憂惱，無量眾生發阿耨多羅三藐三菩提心。

爾時世尊說此經已，文殊師利童子及金剛菩薩，諸天龍神八部眾類，同聲讚歎：「釋迦如來能說此法，善哉希有所未曾聞。」頂禮佛足，歡喜踊躍一心奉行。

文殊師利寶藏陀羅尼經

[CBETA 贊助資訊](https://www.cbeta.org/donation/index.php)

[.\(https://www.cbeta.org/donation/index.php\)](https://www.cbeta.org/donation/index.php)

CBETA 成立於 1998 年，於 2023 年 8 月 7 日轉型成為基金會。成立多年來，一部部佛典在嚴謹控管中轉換為數位典藏，不只數量龐大，而且文字校訂精確可信，又加新式標點方便閱讀。「CBETA 電子佛典集成」不僅獲得國際學界的重視及肯定，也成為大眾廣為運用的公共資源，如此成果都是在廣大信眾及有識之士的支持下才得以實現。

對一個從事佛法志業的非營利團隊，能夠長期埋首理想、踏實耕耘是非常不容易的。如今，CBETA 運作經費日漸拮据，但「佛典集成」仍有許多未竟之功。因此，懇請大家慷慨解囊、熱情贊助，讓未來有更多更好的電子佛典。

您的捐款本會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

信用卡線上捐款

本線上捐款與 netiCRM 及 NewbPay 藍新金流合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

不管您持有的是國內或國外卡，所有捐款最終將以新台幣結算，所以我們所開立的捐款收據也將以新台幣計。

線上刷卡支持定期定額與單筆捐款。(銀聯卡不支援定期定額)

[前往捐款](#)

劃撥捐款

郵政劃撥帳號：5 0 4 6 8 2 8 5

戶名：財團法人佛教電子佛典基金會

欲指定特殊用途者，請特別註明，我們會專款專用。

線上信用卡 / PayPal 捐款

PayPal 是一個跨國線上付款機制的公司，CBETA 引用其服務，提供網友能在線上使用信用卡或 PayPal 帳戶贊助 CBETA 。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project .

相關收據開立事宜，由於付款幣別為美元，我們除了會依您所贊助之美元金額開立收據外，另我們會依捐款當日公告匯率開立台幣收據，此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

[線上信用卡 / PayPal 贊助](#)

支票捐款

支票抬頭請填寫「財團法人佛教電子佛典基金會」。

For donations by check, please write the check to
"Comprehensive Buddhist Electronic Text Archive
Foundation".
